

Iscontos gas, lughe e abba: automàticos dae su 2021



Dae su primu de Ghennàrgiu 2021, cunforma a su decretu fiscale nou, s'iscontu in sa bulleta de lughe, gas e abba, at a èssere erogadu a manera automàtica e dae su 1^u de Ghennàrgiu 2021, duncas, no at a tocàre prus a presentare domanda de rinnovu.

Chie ddu podet otènnere?

- sas famillias cun ISEE non superiore a 8.265 €.
- sas famillias numerosas, cun prus de 3 figios a càrrigu, cun ISEE non superiore a 20.000 €.
- sos titulares de rèdditu de tzitadinàntzia (RdC) o pensione de tzitadinàntzia (PdC).

Sos chi nde tenent diritu non ant a dèpere prus presentare sa domanda pro pedire su benefitziu. S'iscontu aplicadu in bulleta at a èssere in funtzione de sa tipologia de impitu leadu in cunsideru e de su nùmeru de sas persones chi faghent parte de su nùcleu familiare.

Cambiende fornidore o tipu de cuntratu (pro nàrrere: passende dae unu cuntratu dae su mercadu de tutela prus manna a unu in su [mercadu liberu](#)) s'iscontu s'at a pòdere erogare su matessi.

Comente averiguare si s'iscontu est istadu dadu e est aplicadu?

Si s'iscontu est istadu cuntzèdidu su tzitadinu at a agatare in sa bulleta una comunicatzione apòsita. Si s'iscontu est in erogatzione est postu in craru in sa [bulleta](#), in sa setzione "*totale servizi di rete - quota fissa*", siat s'ammissione a sa cumpensatzione fata siat su detàlliu de s'importu chi pertocat s'applicazione de s'iscontu.

Agiornamentos e aprofundamentos

https://www.arera.it/it/bonus_sociale.htm#:~:text=Il%20bonus%20elettrico%20%C3%A8%20uno,fisico%20e%20alle%20famillias%20numerose.

(MM)